


Drs. Marisol Tromp ta sugeri:

Declara aña 2000 como "Aña di desaroyo di nos Hubentud"

Status di poblacion



ORANJESTAD (AAN) -- Drs. Marisol Tromp a señala, durante e foro organiza pa Aruba Junior Chamber, cu un di e fenomenon cu ta creciendo dia pa dia na Aruba ta esun di mamanan soltero.

"For di censo nos por ripara cu hopi yiunan ta naciendo sin cu e mama ta casa. Especialmente bao di nos hubentud esaki ta alarmante. Ya cu specialmente bao di edadnan di 15-19 y 20-24 aña, respectivamente 17% y 27% di babynan cu a bini na mundo nan mamanan no ta casa. E desaroyo aki ta pidi atencion urgente pa asina evita cu esaki por sigui crece y nos por a haya nos confronta cu un "revolucion sexual" bao di nos hobennan di edad di 15 pa 19 aña.

E fenomeno di mama soltero por ta un decision conciente, pero si e ta un situacion no desea bao di e hobennan, esaki por trece un aumento den problemanan social".

SUGERENCIANAN

Drs. Marisol Tromp a trece e siguiente sugerencianan dilanti:

"Pa frena un posible "revolucion sexual" bao di nos

procentahe	di homber	casa cu muhernan na nacionalidad			
		%		%	
		70 - 79	80 - 91	70 - 79	80 - 91
Arubano	4627	2582	88.4	70.9	
Antiyano	175	94	3.3	2.6	
Hulandes	73	65	1.4	1.8	
Latino	258	638	4.9	17.5	
Americano	21	31	0.4	0.9	
otro	81	231	1.5	6.3	
	5235	3641	100.0	100.0	

procentahe	di muher	casa cu hombernan na nacionalidad			
		%		%	
		70 - 79	80 - 91	70 - 79	80 - 91
Arubano	4627	2582	88.61	82.33	
Antiyano	285	132	5.46	4.21	
Hulandes	70	62	1.34	1.98	
Latino	123	150	2.36	4.78	
Americano	4	14	0.08	0.45	
otro	113	196	2.16	6.25	
	5222	3136	100.00	100.00	

hubentud nos mester bini cu un agrupacion di tur e clubnan di servicio y organizacionnan di hubentud na Aruba cu ta bay ataca hunto e problemiconan di nos hubentud, incluyendo esun di mama soltero.

Hunto por yega na un plan realizable y ehecute conhuntamente tambe, den un aña. Ami lo sugeri pa haci esaki

door di declara por ehemplo aña 2000 como e aña di 'Youth Development'.

Manera ta conoci 'Youth Development' mescos cu 'Family Development' ta parti di e filosofia y vision di 'Community building'. E filosofia aki nos mester tuma aki na Aruba si nos kier yega na solucionnan pa nos problemanan social y di hubentud. Nos

maneho mester ta dirigi riba un maneho holistico. Pues nos no por sigui cu un maneho di 'sigui paga candel'. Pues ta ora cu e problema di hubentud presenta, e ora ey nos ta bay wak kico nos ta haci contra dje. Tambe den cuadro di 'desaroyo di famia' lo nos mester bay riba nivel nacional, defini con nos kier mira e famia Arubiano nobo. Pues ki norma y balornan nan lo mester siña nan yiunan. Saliendo for di esaki nos por bay schoolnan tambe pa siña

nos muchanan e perfil di e Arubiano nobo aki. Akinan nos por mira con e sector hubenil mester di educacion. Pues e idea holistico ta bolbe bini dilanti. Esaki ta e muestra di e idea di "community building". Ami lo bay enca-beza e idea aki for di Parlamento, e organo mas halto di nos comunidad unda leynan ta worde studia, presenta y acepta na beneficio di nos Pueblo y den e caso specifico aki na beneficio di nos hubentud!".

Super Sale!

* Econo car rental is selling

* 1995 cars to make room for

* New ones.....

* Call Lourdes or Belkis for

* More information at

* Tel: 870099 or 871910

* Prices too low ta advertise!!!!



ECONO CAR RENTAL